

Broj: 01-02.5-10701-9/17-DZ

Datum: 5.2.2018.godine

U skladu sa članom 100.stav (3) Zakona o javnim nabavkama („Službeni glasnik BiH“, broj 39/14) u daljem tekstu: ZJN, rješavajući po žalbi ponuđača ELUR d.o.o. Kiseljak od 24.1.2018.godine dostavljenoj 26.1.2018.godine izjavljenoj na Odluku o dodjeli ugovora za nabavku: Računarska oprema- Brand name uredski računar; Laserski mrežni dvostrani A4 printer, Iglični printer i Pristupna tačka za bežičnu mrežu, ponuđaču PRINTEX d.o.o. Sarajevo od 18.1.2018.godine, Uprava donosi:

ODLUKU

Usvaja se žalba ponuđača ELUR d.o.o. Kiseljak od 24.1.2018.godine dostavljena 26.1.2018.godine izjavljena na Odluku o dodjeli ugovora ponuđaču PRINTEX d.o.o. Sarajevo od 18.1.2018.godine,

Poništava se Odluka o dodjeli ugovora broj: 01-02.3-10701-6/17.

Donosi se odluka o poništavanju postupka javne nabavke Računarska oprema- Brand name uredski računar; Laserski mrežni dvostrani A4 printer, Iglični printer i Pristupna tačka za bežičnu mrežu.

O b r a z l o ž e n j e

U skladu sa članom 88.Stav 2. Zakona o javnim nabavkama-ZJN („Službeni glasnik BiH“, broj 39/14) JP CFBiH (Ugovorni organ) je na osnovu odluke o pokretanju postupka predmetne nabavke proveo konkurentski postupak. Obavještenje o nabavci je objavljeno na portalu javnih nabavki dana 27.12.2018.godine.

Nezadovoljan dostavljenim Odlukom o dodjeli ugovora ponuđač ELUR d.o.o. Kiseljak je nakon uvida u ponudu PRINTEX d.o.o. Sarajevo obavljenog 23.1.2018.godine uložio žalbu 24.1.2018.godine koja je dostavljena ugovornom organu 26.1.2018.godine. Žalba je djelimično usvojena i donešena je Odluka o poništenju postupka nabavke.

Žalba je blagovremena, dopuštena i izjavljena od ovlaštenog lica.

Žalitelj navodi da ponuđač PRINTEX d.o.o. Sarajevo nije dostavio valjanu autorizaciju za ponudenu opremu - pristupnu tačku za bežičnu mrežu, jer je tenderskom dokumentacijom tražena potvrda proizvođača opreme ili glavnog ovlaštenog distributera, a PRINTEX d.o.o. Sarajevo je dostavio “Autorizaciju za firmu PRINTEX d.o.o. Sarajevo koju je izdala firma “AVTERA BH” d.o.o. Sarajevo gdje se navodi da je AVTERA BH d.o.o. Sarajevo ovlaštenu partner UBIQUITI za područje BiH, dakle nije potvrda proizvođača niti ovlaštenog distributera.

Postupajući po Žalbi, razmotreni su navodi iz žalbe, izvršen uvid u kompletnu dokumentaciju, te je izvršena analiza dokaza, a u odnosu na navod i propisani zakonski postupak, te je utvrđeno da je žalba osnovana.

Ponovnim razmatranjem ponuda i tenderske dokumentacije, na osnovu žalbe konstatovano je da je tenderskom dokumentacijom traženo da se dostavi potvrda proizvođača opreme ili glavnog ovlaštenog distributera za BiH, dok je ponuđač PRINTEX d.o.o. Sarajevo dostavio potvrdu na kojoj je navedeno da je AVTERA BH d.o.o. Sarajevo, koja je izdala potvrdu PRINTEX-u d.o.o. Sarajevo ovlaštenu partner UBIQUITI-a, dakle nije ni proizvođač ni ovlaštenu distributer, kako je navedeno u tenderskoj dokumentaciji. Obzirom da dostavljena potvrda nije u skladu sa zahtjevom u tenderskoj dokumentaciji, ponuda se smatra neprihvatljivom.


Zbog navedenog smatramo da je žalba osnovana, te se Odluka o dodjeli ugovora br.01-02.5-10701-6/17 od 18.01.2018.godine poništava.

Obzirom da nijedna dostavljena ponuda nije prihvatljiva postupak nabavke Računarska oprema-Brand name uredski računar; Laserski mrežni dvostrani A4 printer, Iglični printer i Pristupna tačka za bežičnu mrežu se poništava u skladu sa članom 69. stav (2) tačka d. Zakona o javnim nabavkama.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

 Direktor
Ljubo Pravdić, dip.ing.građ.

Dostavljeno:

1. ELUR d.o.o. Kiseljak
2. Ponuđačima
3. a/a

